

## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

5. Fame homines ad Deum qu[a]erendu[m] adigi.

**urn:nbn:de:hbz:466:1-45701**

muit etenim, ne sibi postea deesset, quod prius alteri largiretur. Innumeræ id genus historiae occurunt, quæ docent, homines saturitate fieri deteriores: sicut & viae, quas pluia reddit lutulentas, & paludes sordibus repletæ Mephitim exhalant fœdiorem. Omnia hominum peccata, rationis & mentis expertia, ait Isidorus Isidor. Pelus. Pelusiota, è vino tamquam è fonte scaturiunt. Quod autem facit ad Xenod. ebrietas, id facit & saturitas, utraque temperantia inimica; utraque amica vitijs mancipium suum perdituris.

Cum igitur Diuina bonitas hoc videat, an non rectè iudicat, panem subinde vel minuendum, vel subducendum hominibus, ut (more famelici accipitris, ad Domini sui manum & ostentatam meliorem escam reuolantis) vel inedia coacti resipiscant? & cum prodigo filio ad patrem suum reuerantur, dicentes: *Quanti mei ceneris in domo patris mei abundant panibus ego autem hic fame pereo.* Surgam, & ibo ad patrem meum. Cur ad Ioseph, quem ante occisum voluerunt, vel ignotum profecti sunt fratres eius in Aegyptum? Cur ipse senio gravatus Iacob, cum tota familia, ad illum descendit? *In uniuerso orbe fames praualuit, in cuncta autem terra* Gen. 41. 54. *Aegypti panis erat.* Omnesq; Provincie veniebant in Aegyptum, ut emerent escas, & malum inopia temperarent. Audiens autem Iacob, Gen. 42. 1. quod alimenta venderentur in Aegypto, dixit filii suis: *Quare negligitis? audiui, quod triticum venumdetur in Aegypto: descendite, & emite nobis necessaria, ut possumus vivere, & non consumamur inopia.* Sic vel insciij Iosephum adierunt fratres, ac postea ad eum agnatum, patrem quoque adduxerunt. Fames dux viæ fuit. Quemadmodum & illi, qui, in deserto, pasti à Christo, regem eum facere Ioan. 6. 15. cogitabant. Mirum est, tam multos esse, qui pane carent, & tamen ad Deum non veniant, immo, toto anno numquam orent, *Panem nostrum quotidianum da nobis.* Potius eunt ad quemcumque Matth. 6. 11. alium; potius ab hominibus quasi liberalioribus, mendicant; potius fraude escam colligunt; potius furantur; ut hinc egeni, in altera vita æternum miseri efficiantur & calamitosi. Tales, ut ad se alliciat Deus, sicut mater filium, fame castigat. Quæ castigatio non solum est justissima, verum etiam clementissima; nam à manu diuinæ prouidentiae proficiscitur, partim ad scelera punienda; partim ad scelerata pectora corrigenda. *Ego Dominus, & non est Isa. 45. 7.*

## V.

G alios,

50 Cap. V. In ipsa etiam fame, diuina iudicia esse.

alius, ait, formans lucem, & creans tenebras, faciens pacem, & creans malum; hoc est, omnes calamitates, quæ secundum communem rerum cursum à diuina sapientia directum inferuntur, famem, pestem, bella, tempestates, procellas, naufragia, terramoto, ventorum vafanias, populationes agrorum, inundationes aquarum, incendia, siccitates. Denique si erit malum in cinitate, quod Dominus non fecerit? ait Amos.

VII.

Deut. 28, 20.

De fame hinc loquar, quā prævaricatoribus Scriptura minatur, dicens: *Mittet Dominus super te famem, & esuriem, & increpatiōnem in omnia opera tua, quæ tu facies: donec conterat te, & perdat velociter, propter adiumentiones tuas pessimas, in quib[us] reliquisti me. Adjungat tibi Dominus pestilentiam, donec consumat te de terra, ad quam ingredieris posſendam.* Quo loco omnis generis mala à Deo peccantibus immittenda enumerantur. Sed famem terris illatam, ob effusionem sanguinis innocentis, regum memorat̄ historia. *Facta est quoq[ue] famē in diebus David tribus annis jugiter: & consuluit David oraculum Domini. Dixitq[ue] Dominus: Propter Saul, & domum eius sanguinum, quia occidit Gabaonitas. Quamuis enim bono zelo, id factum, (siquidem voluit Saul percutere eos a zelo, quasi pro filiis Israël & Iuda) factum est tamen contra promissionem ac juramentum; & non tantum fame vniuersali, sed etiam vniuersali cæde extinctioneque stirpis Saul vindicatum.* Videant ergo vani illi promissores, & fœderum violatores, quām magnas inferant in Remp. calamitates, zelo non bono, oppressione subditorum, crudelitate; dum namque volunt, per fas & nefas, bonum publicum augere, euentunt; non promotores rerum publicarum, sed proditores, humanis inuentis, contra diuinam sapientiam potentiamque pugnantes.

VIII.

2. Reg 14, 13.

Sed & superbia fame punitur. Quare cūm David populum vniuersum, contra bona bonorumque consilia numerari jussisset, viresque suas voluisset ipse tumida mente admirari; postquam pœnitentiam agere cœpit, à Deo per Gad Prophetam, hunc nuntium accepit: *Aut septem annis veniet tibi famē, in terra tua: aut tribus mensibus fugies aduersarios tuos, & illi te persequentur: aut certè tribus diebus erit pestilentia in terra tua. Nunc ergo delibera, & vide quem respondeam ei, qui me misit, sermonem.* Tantum malum est,